

Nuna tamakkerlugu illuutiniq ilusilersuisarnermut, illuliortaatsinut, politikimik ineriartortitsinissamut suliaqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Erik Jensen, Siumut)

Siullermeerneqarnera

Siumumit siunnersuuteqartup nunatsinni illunik ilusilersorluakkanik, nunatsinnilu tulluarsakkanik piorsarsimassuserput aallaavigalugu aalajangiiffigisassatut siunnersuuteqarnera taperserparput.

Tassani pissuterpiaa ukuninnga tunngaveqarluni ingerlanneqarpat assut Naleqqamiit nuannaarutigissallugu. Nunarput tamaat uani aallaavigalugu suliniuteqarnissaq siunertarinierneqarnera nunatsinnut tamarmut iluaqutaanissaa Naleqqamiit takusinnaagatsigu.

Nunarput aallaavigalugu siunnerfik naleqqamiit nuannaarutigaarput, tassani anguneqassammat nunatta nammineq illunik ilusilersuisinnaaneq qallunaatut taallugu (Arkitektur) nunatta nammineq avammut nunatta isikkua imaluunniit uumasui assitaliuullugit, iikkanut, imaluunniit allatut nunatsinniit uumasut ilusai aallaavigalugit ilusilersorlugit kusassarlugit avammut niuerutigisinnaangornissai tamakkiisumik tapersersorusunnarput.

Naleqqamiit isumaqartuarpugut uagut nunatta pisuussutai nunatsinni atorluarlugit aqqissuussinissaq piffissanngortoq. Kiisalu taakkua aallaavigalugit nunatta avammut niuerutigisinnaasai tassaassasut ujaqqat kipparissutut killukkat, imaluunniit qarmasissiat nunatsinniit sanaat nunani allani illuliornermi tapertaasutut atorneqartalernissai isummatut pitsaasutut atorneqarsinnaanissai. Oqarsinnaangorluta avammut tunisassiaqalerpugut ujaqqanik illuliassat ilaasaanik.

Kiisalu aamma nunat allamiut nunatta pissarititaanik illuminni oqarsinnaangortillugit “uanga illuma ilarujussua Kalaallit nunaata nunatarujussuata ilaaniit ilaqarpoq. Tanngassimaarutinngorlugu. Tassuunakkut aamma nunatta soqutiginartinneqarnera atorluarlugu inississinnaavarput.

Massakkuuvoq nunatta avataaniit soqutigineqaraluttuinnarnerata malitsigisaanik tamakkuninnga eqqummaarinnissarput. Massakkuuvoq uagut avammut atorluannissarput.

Massakkut illunut sanaanartarnek eqqaaneqarnerani ilumoorpoq illuliunnarluni imaluunniit inissialiunnarluni avatangiisit nunat allamiut ilusai atorlugit sanaartorneq ingerlanneqarpoq. Killormut saatittariaqalerami ukiut massakkut makkua uagutsinnut aallaavigaluta samminissarput pisariaqarnera annertusiartuinnaavinnerani pikkorissiarporput ilutigalugu, kiisalu massakkut qinikkat malunnartumik nutaat amerlasuut aallaaviuneri ilutigalugit allanngortoqavinnissaa sulii qanilliarformat, tamakkua nukiit piginerini massakkuuvoq uagut allannguinissarput. Massakkuuvoq periarfissaq atorluarnissaa.

Illuliat *SIKU-Block* atorlugit illuliat atorluarnerulertariaqarneri aammaarluta naleqqamiit pingaartilluinnakkatta ilagivaat. Taamaammat taakkua aamma angusariaqarpagut. Kiisalu Naleqqamiit nuannaarutigisaqarput Kollegie-p allaffia kollegie-tigisoq *Ukiivik*, taassuma sananeqaataa takuinnarlugu ujaraaqpanik qalligaq imaaliiallaannaq aserornavianngitsaq, nungullarnavianngitsorlu assut kalaaliussusermut attuumasoq, tunngasuusoq, tarnitsinnut nukittuunngortitsisarpoq Naleqqamiit assut nuannarisarigippat erseqqissarusupparput.

Immitsinnut aallaavigaluta inatsiseqannginnerput kiisalu periuseqannginnerput nunatsinnut akisunikooqaaq, Qallunaat suleriaasit illuliornek pillugu atorneqarsimasooq ullutsinni allanngortilluinnartariaqartoq Naleqqamiit isumaqarpugut. Inatsisinut allarpassuarnut uagut aallaavigaluta aallartinnerput arlalitsigut takusareerparput, aamma una ilanngunniartigu.

Qallunaat illuliornermi ilusilersoriaasiat qimallugu uagut immitsinnut aallaavigaluta aallartikkutta soorunami kalaaliusugut nuannaarutissagut amerlanerulissapput. Aamma kalaaliussuserput nukittunerusutut inissinnissaa aqutissioqataaffigissuapput. Inuiattut nukittoriarternitsinni ilusilersugassat una ilagiinnarpaat, immitsinnut nuna tamakkerlugu aallaavigaluta suliniarnerput aallartittoq Naleqqamiit assut nuannaarutigarpupput.

Uani aaliangiiffigisassatut siunnersuummut tunngatillugu maluginiarsimavarput Naalakkersuisut tassunga tunngasumut Standard qallunaat illunik ilusilersuinnermut tunngasunut suliaqartarfiat allanngortinneqassanngitsooq. Taannalu Naleqqamiit akkerligatsigu nalunaarutigissavarput.

Kiisalu uani illut sannai allanngorteqqusaanngitsut pillugit, tassani ilaatigut qallunaat illutoqaat pineqarlutik, soorlu Nuummi Nuutoqqamiittut allanngutsaaliorneqartarneri innuttaasut isumasiorneqassasut taamatut nunatsinni allanngutsaaliuineq qanoq isumaqarfigineqarnerisut. Ingammik soorlu illoqarfinni inissialiornissamut tunngatillugu inissanik assut tiguisarmata, ineriartorsinnaanissamullu akornutaallutik. Ineriartornissamut



akornutaasarnerat, immitsinnnullu aallaavigaluta sanaartorsinnaanissatsinnut akornutaasannginnissaat kissaatigaarput. Tamanna eqqumaffigeqquneqarpoq siunnersuutip siunertaata inerisarnissaanut.

Avammut titartaatitsisalerutta nunatta isikkui assigiinngissinnaasut ilanngussorlugit kalaaliussutsitsinnut tanngassimaarnassaqaq. Aallartinngikkuttami siunissami uagut kalaallit aallaaviginata ingerlajuassaagut. Taamaammat siunnersuuteqartoq assut tapersersornarpoq.

Siunnersuut taamatut isikkoqartillugu akuerineqassasoq innersuupparput, aalajangiiffissatulli siunnersuutip aalajangiiffiqannginnerani Sanaartornermut Ataatsimiitsitaliamut suliareqqaarneqarnissaa Naleqqamiit innersuullugu inassutigaarput.